



In dumënia ai 16 de Otober él gnü sughé la setima partida dl campionat 2011/2012 de 3° categoria por La Val. La partida é gnüda sugada fora de cíasa cuntra la squadra da San Laurënz. Chësta sajun ne ora propi nia jí por La Val, ai mëss indô lascè sòn trü trei puncé por en gol che toma al 95°, dô che ai á albü deplü ocajiuns por stlû jö la partida.

Chëstes prümes partidas dla sajun 2011/2012 tumará ite sciöche partidas cun na gran descfortüna por La Val, ara ne ti vá gnanca en iad bun. Sciöche düc sá, ince tl calcio adorun datrai fortüna por rajunjer bugn resultač, mo te chësc mumënt chësta fortüna ne é propi nia da udëi. Ince cuntra San Laurënz ess La Val mirtié almanco en pareggio mo le gol di avversars toma al 95°.

Tl prüm tëmp da mët man é La Val che á la partida tles mans. Deplü beles ocajiuns ne vëgn nia sfrutades, bel dô da püc menüc él Florian che á la pala dl 1 a 0. Dô na bela combinaziun danter Micky y Freddy sòn la fascia, fesc Micky en bel cros ite a mez, Florian é bel da sú, mo so colp de testa röia bel avisa tles mans dl portier. Ti prüms menüc él ma La Val te campo, le San Laurënz ne vëigun nia. Sòn la fascia de Daniel Frenes vëgnel fat en gran druch. Daniel é bun da recuperé na bela pala sòn le difensore, so cross vëgn devié y röia bel sòn i pisc de Micky, al pro cun en tiro al volo, mo la pala röia dlungia porta ia.

Daniel Frenes pro ciamò cun en bel tiro sòn le prüm palo, mo la pala röia tla rëi esterna. Dô da 15 menüc é San Laurënu che se descëda en pü. Mo ai ne é nia prigorusc. I defensurs da La Val é dër concentrá y ne ti lascia nia spazi ai atacané (fisicamente dër gragn) dl San Laurënz. La squadra pustra fesc tres ma le medemo, o che le portier fesc i lanci sòn i atacané o che i defensurs lancia sòn i atacané, en bur jüch, suradüt por le publico.

A mesa le prüm tēmp é La Val che vá in vantaje cun Daniel Frenes. Sön en bel passaggio filtrante de en centrocampist se infilëia Daniel a mesa ite, al vá contra le portier y cun en bel dribbling él bun da superé le portier, al mēss ma plü apogé le pal te porta.

L'unico iad che San Laurēnz é prigorusc dl prüm tēmp atochi le palo esterno. Sön ne cross rōia la pala sön le secundo palo, en defensur da La Val rinviëia mal la pala, che rōia pūch fora de area, cun en gran tiro al volo atoca San Laurēnz le palo esterno. Le prüm tēmp se stlūsc jö sön le 0 a 1 por La Val.

Tl secundo tēmp é San Laurēnz che vëgn te campo cun na plü gran convinziun y mēt insciö La Val in difficulté. Ai ne é nia plü bugn da sughé bel le pal y mēss insciö rinvié gonot la pala, por la gran presciun di avversars. San Laurēnz á na gran ocasiun: na pala lanciada rōia jö tl piz de area, Merch é en pū in ritardo sön la uscita, le atacant rōia denant sön le pal y tira. La pala rōia de pūch dlungia le palo ia. Mo pūch dedô ti garetel impó la pareggio. La Val ne é nia bugn da bloché en inserimēt a mesa jö, al pasa fora ala fascia, che mēss ma stoppen y trá te porta. Le pal rōia sön le prüm palo, Merch le azica ciamò, mo nia assá. Insciö se porta San Laurēnz sön le 1 a 1. La partida se deura indô.

Al nasc deplü ocasiun da intrames le perts. Merch é bun cun na gran parada da salvé le resultat: na gran testa sön na puniziun se ess bel avisa infilé dlungia le palo ite, mo cun ne gran tuffo el bun da parè.

Mo spo él le mumēn dl La Val cun deplü ocasiun ti ultimi menüć dla partida. Daniel Frenes rōia in velocitè dlungia l'area, al vëgn sburlé jö portera dal "ultimo uomo". Mo le arbiter vëiga en falo de Daniel, degügn ne sá por ciudí. Ince sön Florian suzedel le medemo, al rōia te area al ó rientré, mo l'ultimo uomo le tēgn sön cun na man y le sbürta jö portera, mo ince in chësc iad fesc proseguí l'arbiter. Freddy á ince na bela ocasiun de cé. En bel angolo teso de Micky rōia sön le palo cürt, Freddy se inseresc mo la testa rōia sura traversa fora. Spo él indô Daniel che á na bela ocasiun, al se porta sön le angolo dl area, cun en bel tiro diagonal sön le secundo palo prol da fá le 1 a 2, mo la pala rōia depūch dlungia palo ia. Franzi á ince na bela chance, en pal devié mal dala difesa dl San Laurēnz rōia rasotera bel sön i pisc de Franzi, mo al scmorzëia la

pala che rōia sōn le fondo. Spo el le difensur che passa zoruch en pal y le portier dl San Laurēnz le cōia sō cun les mans, insciō el poniziun de secunda. Dūc i sogadusc pustri se mēt te bariera. Daniel azica la pala, spo rōil Ivan, mo so tiro rōia te bariera.

Canche dūc mina che l'arbiter scūra ti garetel le gol dla vitoria a San Laurēnz. Cun en solito lancio lunch ciafa na fascia le palo al rōia sōn le fondo, al fesc spo en bel cross ite sōn le secundo palo. Ulache al rōia adalerch en atacant, cun en bel colp de testa él spo bun da bat Merch. Sōn le gol se stlūsc ince jō la partida.

Cun chisc trēi punć lasciá sōn trú se porta La Val al 7° post te tlassifica.

La formaziun titolara: Vallazza Merch, Castlunger Marco, Alton Alex, Tavella Jordan, Sottara Werner, Frenes Michael, Tschaffert Ivan, Sottara Freddy, Rubatscher Romeo, Frenes Micky y Rubatscher Florian.

Sostituziuns:

Elzenbaumer Alex por Frenes Micky

Verginer Franzi por Sottara Freddy

Por udëi i atri resultač drüca (ince di atri campionač ulache sogadusc da La Val süga para) drüca: [resultač](#)